



Broj: 17-06-1-16-2-8-42/17
Datum, 20.10.2017. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine («Službeni glasnik BiH» broj: 39/14), direktor Granične policije Bosne i Hercegovine, d o n o s i

ODLUKU

I

Prihvata se preporuka Komisije za javnu nabavku, da se nakon sprovedenog otvorenog postupka za nabavku goriva razvrstanog po LOT-ovima, zakluče Okvirni sporazumi sa niže navedenim ponuđačima, čije su ponude ocijenjene kao prihvatljive i ekonomski najpovoljnije, kako slijedi:

za **LOT 4** – sukcesivna isporuka goriva na lokaciji Tuzla, sa ponuđačem **"HIFA PETROL" d.o.o. Sarajevo;**

za **LOT 15** – sukcesivna isporuka goriva na lokaciji Višegrad, sa ponuđačem **"NESTRO PETROL" a.d. Banja Luka;**

II

Prihvata se preporuka Komisije za javnu nabavku da se postupak po LOT-u 21 (lokacija Tomislavgrad), poništi i ponovi iz razloga što nije pristigla nijedna prihvatljiva ponuda.

III

Izabrani ponuđači dužni su da dostave dokaze o ispunjavanju uslova iz tačke 12. tenderske dokumentacije u roku od 5 dana od dana prijema ove Odluke.

IV

Odluka stupa na snagu danom donošenja.

Obrazloženje

Rješenjem Ureda za razmatranje žalbi BiH broj: JN2-01-07-1-401-8/17 od 03.08.2017. godine usvojena je žalba ponuđača «HIFA PETROL» d.o.o. Sarajevo, poništena je Odluka o dodjeli ugovora broj: 17-06-1-16-2-8-32/17 od 14.06.2017. godine u dijelu koji se odnosi na LOT 4 i LOT 15 i predmet je vraćen Graničnoj policiji BiH kao prvostepenom organu na ponovni postupak.

Rješenjem Ureda za razmatranje žalbi BiH broj: JN2-01-07-1-413-6/17 od 03.08.2017. godine usvojena je žalba ponuđača «BTG» d.o.o. Tomislavgrad, poništena Odluka broj: 17-06-1-16-2-8-32/17 od 14.06.2017. godine u dijelu koji se odnosi na LOT 21 i predmet je vraćen Graničnoj policiji BiH kao prvostepenom organu na ponovni postupak.

Komisija je pristupila pregledu i ocjenjivanju ponuda za LOT 4, LOT 15 i LOT 21, u skladu sa kriterijima za dodjelu ugovora iz Obavještenja o javnoj nabavci kao i uputama iz Rješenja

LOT 4 – SUKCESIVNA ISPORUKA GORIVA NA LOKACIJI TUZLA

Za LOT 4 pristigle su slijedeće ponude:

1. «NESTRO PETROL» a.d. Banja Luka, Ul. Kralja Alfonsa XIII 9
2. «PETROL BH OIL COMPANY» d.o.o. Sarajevo, Tešanjaska 24a
3. «HIFA PETROL» d.o.o. Sarajevo, Ul. Hotonj bb
4. «ENERGOPETROL» d.d. Sarajevo, Ul. Maršala Tita 36

Pregledom pristiglih ponuda za LOT 4 Komisija je konstatovala slijedeće:

Ponuda ponuđača «NESTRO PETROL» a.d. Banja Luka, ocijenjena je kao prihvatljiva.

Ponuda ponuđača «PETROL BH OIL COMPANY» d.o.o. Sarajevo ocijenjena je kao neprihvatljiva iz slijedećih razloga:

- Ponuđač nije ispoštovao traženo tačkom 30. Tenderske dokumentacije kojom je propisana obaveza ponuđača da se iza bankovne garancije za ozbiljnost ponude mora dostaviti neovjerena kopija bankovne garancije za ozbiljnost ponude koja se označava slijedećim rednim brojem. Ovaj ponuđač je dostavio originalnu bankarsku garanciju ali ne i kopiju iste koju je bio dužan takođe dostaviti;
- Sve stranice ponude su ovjerene faksimilom, a ne vlastoručnim potpisom ovlaštenog lica čime nije ispoštovano traženo tačkom 16. Tenderske dokumentacije kojom je propisano da ponuda mora sadržavati potpis podnosioca ponude ili ovlaštenog lica, a što je propisano i članom 58. stav (1) tačka g) Zakona o javnim nabavkama.

Ponuda ponuđača «HIFA PETROL» d.o.o. Sarajevo ocijenjena je kao prihvatljiva.

Ponuda ponuđača «ENERGOPETROL» d.d. Sarajevo ocijenjena je kao neprihvatljiva iz slijedećih razloga:

- na strani 65. ponuđač je dostavio potvrdu izdatu od ŠPD "UNSKO-SANSKE ŠUME" d.o.o. Bosanska Krupa iz koje se vidi da je ovaj ugovorni organ 05.12.2016. godine zaključio ugovor o sukcesivnoj isporuci goriva sa dobavljačem "ENERGOPETROL" d.d. Sarajevo u vrijednosti od 370.898,40 KM, te da se radi o sukcesivnoj isporuci goriva koja i dalje traje te da je u dosadašnjem periodu realizacija ugovora bila uspješna. Ovom potvrdom ponuđač nije ispoštovao traženo tačkom 15. tenderske dokumentacije kojom je traženo da ponuđač ima uredno izvršen najmanje jedan ugovor, čiji je predmet isti kao što je predmet nabavke i čiji je iznos veći ili jednak 10% od procijenjene vrijednosti nabavke, a takođe je propisano da potvrda mora sadržavati vrijeme i mjesto izvršenja ugovora. Dakle ponuđač je dostavio potvrdu o ugovoru koji je u toku, odnosno nije u cjelosti uredno izvršen.

Nakon toga Komisija je pristupila ocjenjivanju – bodovanju prihvatljivih ponuda prema kriterijima utvrđenim u tenderskoj dokumentaciji.

Nakon završenog bodovanja ponude su rangirane kako slijedi:

- | | |
|------------------------------------|--------------|
| 1. «HIFA PETROL» d.o.o. Sarajevo | 99,28 bodova |
| 2. «NESTRO PETROL» a.d. Banja Luka | 87,41 bodova |

Komisija je dala preporuku da se Okvirni sporazum po LOT-u 4 zaključi sa ponuđačem «HIFA PETROL» d.o.o. Sarajevo čija je ponuda nakon izvršenog bodovanja prihvatljivih ponuda ocijenjena kao ekonomski najpovoljnija.

LOT 15 – SUKCESIVNA ISPORUKA GORIVA NA LOKACIJI VIŠEGRAD

Za LOT 15 pristigle su slijedeće ponude:

1. «NESTRO PETROL» a.d. Banja Luka, Ul. Kralja Alfonsa XIII 9
2. «HIFA PETROL» d.o.o. Sarajevo, Ul. Hotonj bb

Pregledom pristiglih ponuda za LOT 15 Komisija je konstatovala da su obje ponude prihvatljive, te je pristupila ocjenjivanju – bodovanju prema kriterijima utvrđenim u tenderskoj dokumentaciji

Nakon završenog bodovanja ponude su rangirane kako slijedi:

1. «NESTRO PETROL» a.d. Banja Luka 100,00 bodova
2. «HIFA PETROL» d.o.o. Sarajevo 81,61 bodova

Komisija je dala preporuku da se Okvirni sporazum po LOT-u 15 zaključi sa ponuđačem «**NESTRO PETROL» a.d. Banja Luka** čija je ponuda nakon izvršenog bodovanja ocijenjena kao ekonomski najpovoljnija.

LOT 21 – SUKCESIVNA ISPORUKA GORIVA NA LOKACIJI TOMISLAVGRAD

Za LOT 21 pristigla je samo ponuda ponuđača «BTG» d.o.o. Tomislavgrad, Kolo bb.

Pregledom pristigle ponude Komisija je konstatovala da je ista neprihvatljiva iz razloga što je ponuđač u svojoj ponudi dostavio kopiju fiskalnog računa na kome je navedeno gorivo EURODIZEL BAS EN 590, dok je tenderskom dokumentacijom isključivo traženo gorivo EURODIZEL BAS EN 590 10 ppm. Obzirom da su drugi ponuđači dostavili kopije fiskalnih računa u kojima se navodi gorivo EURODIZEL BAS EN 590 10 ppm ocijenjeno je da nije bilo objektivnih smetnji da i ovaj ponuđač postupi na isti način i ispoštuje traženo tenderskom dokumentacijom. Prilikom ocjene ponude ovog ponuđača neprihvatljivom Komisija za javnu nabavku je imala u vidu i stav Ureda za razmatranje žalbi iz Rješenja broj: JN2-01-07-1-412-6/17 od 03.08.2017. godine kojim je uvažena žalba ponuđača «HIFA» d.o.o. Tešanj i poništen izbor ponuđača «OIL-AC» d.o.o. Mostar za LOT 3 iz razloga što ovaj ponuđač na svojim fiskalnim računima nije naveo da se radi o gorivu EURODIZEL BAS EN 590 10, već je samo navedeno gorivo EURODIZEL BAS EN 590 čime prema stavu Ureda za razmatranje žalbi ovaj ponuđač nije ispoštovao traženo tenderskom dokumentacijom.

Komisija je dala preporuku da se postupak po LOT-u 21 poništi i ponovi iz razloga što nije pristigla nijedna prihvatljiva ponuda.

Shodno naprijed navedenom prihvaćena je preporuka Komisije za javnu nabavku, te je odlučeno kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana prijema odluke. Žalba se predaje putem Granične policije Bosne i Hercegovine.

DOSTAVITI:

- Ponuđačima za LOT 4, LOT 15 i LOT 21
- Odsjek za poslove nabavke i logistike
- A/a

DIREKTOR
Glavni generalni inspektor

Zoran Galić

